

SOALAN-SOALAN LAZIM

YAYASAN SIME DARBY- YAYASAN PENERAJU TUNAS POTENSI BURSARY

BAHAGIAN 1 : PEMBIAYAAN PENDIDIKAN YAYASAN SIME DARBY-YAYASAN PENERAJU TUNAS POTENSI BURSARY (YSD-TP BURSARY)

- A. PEMBIAYAAN PENDIDIKAN
- B. INSTITUSI PENGAJIAN TINGGI

BAHAGIAN 2 : PERMOHONAN & SESI PENILAIAN DAN TEMUDUGA

- A. PERMOHONAN
- B. SESI PENILAIAN DAN TEMUDUGA
- C. KEPUTUSAN

BAHAGIAN 1 : YAYASAN SIME DARBY-YAYASAN PENERAJU TUNAS POTENSI BURSARY (YSD-TP BURSARY)

A. PEMBIAYAAN PENDIDIKAN

1. Apakah pembiayaan pendidikan YSD-TP Bursary?

Program ini merupakan satu program pembiayaan pendidikan untuk pelajar tahun pertama Diploma atau Sarjana Muda di Institusi Pengajian Tinggi Awam (IPTA) yang berpotensi dan dari keluarga berpendapatan isi rumah rendah.

Pembiayaan ini terbuka kepada pelajar yang berminat untuk mendapatkan pembiayaan di peringkat diploma dan ijazah sarjana muda bagi kursus-kursus di Institusi Pengajian Tinggi Awam (IPTA) seperti yang tersenarai di dalam SENARAI KURSUS DAN INSTITUSI. Tawaran pembiayaan pendidikan ini meliputi yuran akademik, elaun tempat tinggal, elaun buku, dan elaun sara hidup. Pelajar juga dikehendaki mengikuti program pemupukan dan pembangunan pelajar anjuran Yayasan Peneraju semasa cuti semester sepanjang tempoh pengajian.

2. Berapakah kadar pembiayaan pendidikan yang diperolehi oleh penerima YSD-TP Bursary?

Kadar pembiayaan pendidikan setiap pelajar berbeza mengikut bidang, tempoh dan tempat pengajian. Pelajar yang layak akan mendapat pembiayaan pendidikan yang merangkumi yuran akademik, elaun buku, elaun sara hidup dan program pemupukan dan pembangunan.

Selain daripada itu, pembiayaan pendidikan ini turut meliputi tempat tinggal pelajar sepanjang tempoh pengajian di institusi masing-masing. Kadar pembiayaan pendidikan yang lebih lengkap akan dimaklumkan kepada pelajar dalam surat tawaran nanti.

3. Adakah pelajar di bawah tajaan YSD-TP Bursary dikehendaki berkhidmat dengan pihak Yayasan Sime Darby dan Yayasan Peneraju selepas tamat tempoh pengajian?

Tidak. Para penerima pembiayaan pendidikan di bawah program ini tidak terikat untuk berkhidmat di bawah Yayasan Sime Darby dan Yayasan Peneraju atau mana-mana institusi di Malaysia.

4. Apakah yang dimaksudkan dengan program pemupukan dan pembangunan Pelajar?

Pembiayaan pendidikan YSD-TP Bursary bukan berbentuk kewangan sahaja. Pelajar di bawah tajaan program ini akan menjalani program pembangunan dan pemupukan pelajar. Program ini bertujuan untuk mempertingkatkan sahsiah diri, kemahiran komunikasi, menerapkan ciri-ciri kepimpinan dan daya saing dalam diri pelajar. Program ini diwajibkan kepada setiap penerima pembiayaan YSD-TP Bursary dan akan diadakan pada cuti semester sepanjang tempoh pengajian.

5. Apakah kategori pemohon yang layak memohon dalam pembiayaan pendidikan YSD-TP Bursary?

Kategori pemohon yang layak memohon dalam program ini adalah pelajar tahun pertama sama ada di peringkat Diploma atau Sarjana Muda di Institusi Pengajian Tinggi Awam (IPTA) sahaja.

6. Adakah saya layak memohon jika saya mendapat CGPA 2.99 dalam peperiksaan akhir semester pertama (tahun pertama)?

Tidak layak. Syarat minimum untuk memohon pembiayaan program ini adalah sekurang-kurangnya CGPA 3.0 dalam peperiksaan akhir semester pertama (tahun pertama).

B. INSTITUSI PENGAJIAN TINGGI

1. Adakah pembiayaan pendidikan YSD-TP Bursary hanya menaja pelajar ke IPTA sahaja?

Ya. Penempatan institusi pengajian untuk program ini hanya sah bagi pelajar di Institusi Pengajian Tinggi Awam (IPTA) sahaja. Pengajian di Institusi Pengajian Tinggi Swasta (IPTS) tidak layak untuk program ini.

2. Adakah saya perlu membuat permohonan sendiri di Institusi Pengajian Tinggi Awam (IPTA)?

Ya. Pihak Yayasan Peneraju tidak bertanggungjawab terhadap penempatan pelajar. Calon yang telah mendapat penempatan di Institusi Pengajian Tinggi Awam (IPTA) sahaja layak untuk memohon.

3. Saya telah menyambung pengajian di IPTA (Tahun kedua), adakah Yayasan Peneraju boleh menaja saya?

Tidak. Pihak Yayasan Peneraju hanya menerima permohonan pelajar tahun pertama sahaja untuk program ini. Pelajar selain tahun pertama tidak layak memohon.

4. Adakah saya layak untuk memohon jika baki pengajian saya melebihi 3 tahun?

Tidak layak. Yayasan Peneraju hanya menerima permohonan pelajar yang mempunyai baki pengajian tidak melebihi tiga (3) tahun sahaja. Kursus yang mempunyai baki pengajian melebihi daripada tiga (3) tahun tidak layak untuk memohon.

5. Adakah Yayasan Peneraju menaja semua Institusi Pengajian Tinggi Awam (IPTA) di Malaysia?

Tidak. Yayasan Peneraju hanya menerima permohonan pelajar di Institusi Pengajian Tinggi Awam (IPTA) tertentu sahaja. Pelajar boleh merujuk di SENARAI KURSUS DAN INSTITUSI yang telah dimuatnaik di laman sesawang Yayasan Peneraju.

BAHAGIAN 2 : SESI PENILAIAN DAN TEMU DUGA

A. PERMOHONAN

1. Bagaimana cara untuk saya memohon pembiayaan pendidikan YSD-TP Bursary?

Pelajar perlu mengisi borang permohonan secara online di laman sesawang Yayasan Peneraju.

Permohonan secara manual tidak diterima. Sebarang pertanyaan / masalah teknikal boleh hubungi ke talian 03-27279002 / 03-27279005.

B. SESI PENILAIAN DAN TEMUDUGA

1. Adakah saya perlu membawa alat tulis?

Ya. Anda perlu membawa sekurang-kurangnya sebatang pen untuk dan menulis esei.

2. Apakah dokumen yang perlu dibawa semasa Sesi Penilaian dan Temuduga?

Dokumen yang perlu dibawa semasa sesi penilaian dan temuduga terdiri daripada:

- **Dokumen pemohon** (kad pengenalan, sijil surat beranak, salinan maklumat akaun yang aktif)
- **Dokumen ibubapa/penjaga** (kad pengenalan, sijil surat beranak, slip gaji/pencen/borang pengesahan pendapatan & 3 bulan penyata akaun bank yang aktif)
- **Dokumen adik-beradik** (kad pengenalan, sijil surat beranak & pengesahan pendapatan bagi mereka yang telah bekerja)
- **Akademik** (Salinan Slip/Transkrip Keputusan percubaan & sebenar SPM/STPM 2016, Salinan Keputusan Akademik Tingkatan 4 & 5, Salinan Sijil Berhenti Sekolah, Salinan Sijil Ko-kurikulum & Letter of Recommendation dari pihak sekolah bagi calon ke luar Negara)
- **Lain-lain** (Salinan Sijil Kematian / Cerai, Salinan Kad OKU & Salinan Surat Pengesahan Doktor bagi penyakit kronik).

3. Bagaimanakah saya mengetahui bahawa saya dipilih untuk ke Sesi Penilaian dan Temuduga?

Selepas tarikh tutup permohonan, pihak Yayasan Peneraju akan menyenarai pendek senarai nama pemohon-pemohon yang berjaya untuk menghadiri ke sesi penilaian dan temuduga. Makluman akan diberitahu melalui SMS / email.

4. Adakah Ibu Bapa saya boleh hadir ke Sesi Penilaian dan Temuduga?

Hanya salah seorang ibu atau bapa / seorang penjaga sahaja digalakkan untuk hadir ke sesi penilaian dan temuduga sekiranya ibu atau bapa / penjaga anda berminat untuk turut serta mendengar taklimat daripada Yayasan Peneraju kepada pelajar kerana ruang menunggu adalah terhad. Kehadiran ibu bapa / penjaga adalah TIDAK WAJIB.

5. Pakaian semasa Sesi Penilaian dan Temuduga?

Calon dikehendaki untuk berpakaian formal dan sopan.

Lelaki - Seluar panjang dan baju kemeja.

Perempuan – Baju kurung / Blouse dan seluar atau skirt panjang.

6. Bolehkah saya menangguhkan Sesi Penilaian dan Temuduga?

Penangguhan tertakluk kepada budi bicara Yayasan Peneraju. Calon dikehendaki menghantar email dengan format surat rasmi dengan menyatakan sebab-sebab penangguhan. Tempat penilaian dan temuduga adalah ditetapkan oleh pihak Yayasan Peneraju.

7. Apakah proses-proses yang perlu dilalui semasa sesi penilaian dan temuduga?

Sesi penilaian dan temuduga mengambil masa satu (1) hari sahaja. Calon mestilah menjalani kesemua sesi termasuk Sesi taklimat, Menulis esei, Sesi temuduga 1 dan Sesi temuduga 2.

8. Ibu / Bapa / Ibu dan Bapa saya tidak mempunyai sijil kelahiran kerana telah hilang / rosak. Apakah yang harus saya lakukan?

Sekiranya Ibu / Bapa anda tidak mempunyai sijil kelahiran kerana telah hilang / rosak, Ibu / Bapa anda boleh mendapatkan salinan baru atau membuat cabutan di Jabatan Pendaftaran Negara yang terdekat.

9. Saya tidak dapat menyediakan dokumen yang diminta oleh pihak Yayasan Peneraju, apa yang perlu saya lakukan?

Sila sediakan surat / nota maklumat kepada pegawai Yayasan Peneraju mengenai sebab-sebab anda tidak dapat menghantar dokumen yang telah diminta.

C. KEPUTUSAN PEMBIAYAAN PENDIDIKAN YAYASAN SIME DARBY-PENERAJU TUNAS POTENSI BURSARY

1. Bilakah keputusan calon yang berjaya mendapat pembiayaan pendidikan Yayasan Sime Darby-Yayasan Peneraju Tunas Potensi Bursary akan diumumkan?

Calon yang berjaya mendapat pembiayaan pendidikan ini akan dimaklumkan secara berperingkat bermula pada awal bulan Jun sehingga pertengahan bulan Julai.

2. Bagaimanakah calon yang berjaya mendapat pembiayaan pendidikan Yayasan Sime Darby-Yayasan Peneraju Tunas Potensi Bursary akan dimaklumkan?

Calon yang berjaya akan dimaklumkan melalui panggilan telefon dan email. Diingatkan supaya calon sentiasa memeriksa email dan tidak terlepas panggilan daripada Yayasan Peneraju untuk sebarang tawaran.

3. Bolehkah saya membuat rayuan?

Tidak. Keputusan pihak Yayasan Peneraju adalah muktamad.